

# 史记韵文集

史记中共有 96 篇韵文作品

## 赞（80篇）

司马迁以诗歌形式对历史人物和事件的歌颂与评价

## 夏本纪之赞

002 夏本纪

尧遭鸿水，黎人阻饥。

禹勤沟洫，手足胼胝。

言乘四载，动履四时。

娶妻有日，过门不私。

九土既理，玄圭锡兹。

帝启嗣立，有扈违命。

五子之歌，太康失政。

羿浞斯侮，夏室不竞。

降于孔甲，扰龙乖性。

嗟彼鸣条，其终不令！

## 殷本纪之赞

003 殷本纪

简狄吞乙，是为殷祖。

玄王启商，伊尹负俎。

上开三面，下献九主。

旋师泰卷，继相臣扈。

迁器圯耿，不常厥土。

武乙无道，祸因射天。

帝辛淫乱，拒谏贼贤。

九侯见醢，砲格兴焉。

黄钺斯杖，白旗是悬。

哀哉琼室，殷祀用迁！

## 周本纪之赞

004 周本纪

后稷居郃，太王作周。

丹开雀录，火降乌流。

三分既有，八百不谋。

苍兕誓众，白鱼入舟。

太师抱乐器，箕子拘囚。

成周成王康周康王之日，政简刑措。

南巡不还，西服莫附。

共和之後，王室多故。

檠弧兴谣，龙漈作蠹。

積子積带叔带在祸，实倾周祚。

## 秦本纪之赞

005 秦本纪

柏翳佐舜，皇旂是旌。

蜚廉事纣，石椁斯营。

造父善驭，封之赵城。

非子息马，厥号秦嬴。

礼乐射御，西垂有声。

襄公救周，始命列国。

金祠白帝，龙祚水德。

祥应陈宝，妖除丰特。

里奚致霸，卫鞅任刻。

厥後吞并，卒成凶慝。

## 秦始皇本纪之赞

006 秦始皇本纪

六国陵替，二周沦亡。

并一天下，号为始皇。

阿房云构，金狄成行。

南游勒石，东瞰浮梁。

滹池见遗，沙丘告丧。

二世矫制，赵高是与。

诈因指鹿，灾生噬虎。

子婴见推，恩报君父。

下乏中佐，上乃庸主。

欲振纆纲，云谁克补。

## 项羽本纪之赞

007 项羽本纪

亡秦鹿走，伪楚狐鸣。

云郁沛谷，剑挺吴城。

勋开鲁甸，势合殪兵。

卿子无罪，亚父推诚。

始救赵歇，终诛子婴。

违约王汉，背关怀楚。

常迁上游，臣迫故主。

灵璧大振，成皋久拒。

战非无功，天实不与。

嗟彼盖代，卒为凶竖。

## 高祖本纪之赞

008 高祖本纪

高祖初起，始自徒中。

言从泗上，即号沛公。

啸命豪杰，奋发材雄。

彤云郁砀，素灵告丰。

龙变星聚，蛇分径空。

项氏主命，负约弃功。

王我巴蜀，实愤于衷。

三秦既北，五兵遂东。

汜水即位，咸阳筑宫。

威加四海，还歌大风。

## 吕太后本纪之赞

009 吕太后本纪

刑罰罕用，罪人是希。

民务稼穡，衣食滋殖。

高祖犹微，吕氏作妃。

及正轩掖，潜用福威。

志怀安忍，性挟猜疑。

置鸩齐悼，残毖戚姬。

孝惠崩殒，其哭不悲。

诸吕用事，天下示私。

大臣菹醢，支孽芟夷。

祸盈斯验，苍狗为菑。

## 孝文本纪之赞

010 孝文本纪

孝文在代，兆遇大横。

宋昌建册，绛侯奉迎。

南面而让，天下归诚。

务农先籍，布德偃兵。

除帑削谤，政简刑清。

绋衣率俗，露台罢营。

法宽张武，狱恤缙萦。

霸陵如故，千年颂声。

## 孝景本纪之赞

011 孝景本纪

景帝即位，因脩静默。

勉人於农，率下以德。

制度斯创，礼法可则。

一朝吴楚，乍起凶慝。

提局成衅，拒轮致惑。

晁错虽诛，梁城未克。

条侯出将，追奔逐北。

坐见梟黥，立翦牟贼。

如何太尉，後卒下狱。

惜哉明君，斯功不录！

## 孝武本纪之赞

012 孝武本纪

孝武纂极，四海承平。

志尚奢丽，尤敬神明。

坛开八道，接通五城。

朝亲五利，夕拜文成。

祭非祀典，巡乖卜征。

登嵩勒岱，望景传声。

迎年祀日，改历定正。

疲耗中土，事彼边兵。

日不暇给，人无聊生。

俯观嬴政，几欲齐衡。

## 三代世表之赞

013 三代世表

高辛之胤，大启祯祥。

脩己吞薏，石纽兴王。

天命玄鸟，简狄生商。

姜嫄履迹，祚流岐昌。

俱膺历运，互有兴亡。

风馀周召，刑措成康。

出彘之後，诸侯日彊。

## 高祖功臣侯者年表之赞

018 高祖功臣侯者年表

圣贤影响，风云潜契。

高祖应策，功臣命世。

起沛入秦，凭谋仗计。

纪勋书爵，河盟山誓。

萧曹轻重，绛灌权势。

咸就封国，或萌罪戾。

仁贤者祀，昏虐者替。

永监前修，良惭固蒂。

## 建元以来侯者年表之赞

020 建元以来侯者年表

孝武之代，天下多虞。

南讨瓯越，北击单于。

长平鞠旅，冠军前驱。

朮阳衔璧，临蔡破禺。

博陆上宰，平津巨儒。

金章且佩，紫绶行纁。

昭帝已後，勋宠不殊。

惜哉绝笔，褚氏补诸。

## 建元已来王子侯者年表之赞

021 建元已来王子侯者年表

汉世之初，矫枉过正。

欲大本枝，先封同姓。

建元已后，藩翰克盛。

主父偃上言，推恩下令。

长沙王、济北王、中山王、赵敬王。

分邑广封，振振在咏。

扞城御侮，晔晔辉映。

百足不僵，一人有庆。

## 汉兴以来将相名臣年表之赞

022 汉兴以来将相名臣年表

建元以来，侯功臣表见矣。

编次将相名臣，年表颇详。

前代丞相、御史大夫、太尉，功勋卓著。

后世为法，万古流芳。

## 历书之赞

026 历书

历数之兴，其来尚矣。

重黎是司，容成斯纪。

推步天象，消息母子。

五胜轮环，三正互起。

孟陬贞岁，畴人顺轨。

敬授之方，履端为美。

## 天官书之赞

027 天官书

夫天运，三十岁一小变，百年中变，五百载大变；  
三大变一纪，三纪而大备：此其大数也。为国者必贵三五。上  
下各千岁，然後天人之际续备。

## 河渠书之赞

029 河渠书

水之利害，自古而然。

禹疏沟洫，随山濬川。

爰洎後世，非无圣贤。

鸿沟既划，龙骨斯穿。

填阡攸垦，黎蒸有年。

宣房在咏，梁楚获全。

## 平准书之赞

030 平准书

平准之立，通货天下。

既入县官，或振华夏。

其名刀布，其文龙马。

增算告缗，哀多益寡。

弘羊心计，卜式长者。

都内充殷，取贍郊野。

三十世家

## 吴太伯世家之赞

031 吴太伯世家

太伯作吴，高让雄图。

周章受国，别封於虞。

寿梦初霸，始用兵车。

三子递立，延陵不居。

光既篡位，是称阖闾。

王僚见杀，贼由专诸。

夫差轻越，取败姑苏。

甬东之耻，空惭伍胥。

## 齐太公世家之赞

032 齐太公世家

太公佐周，实秉阴谋。

既表东海，乃居营丘。

小白致霸，九合诸侯。

及溺内宠，衅鍾蟲流。

庄公失德，崔杼作仇。

陈氏专政，厚货轻收。

悼、简遭祸，田、阚非俦。

泯泯馀烈，一变何由？

## 管蔡世家之赞

035 管蔡世家

武王之弟，管、蔡及霍。

周公居相，流言是作。

狼跋致艰，鸱鸢讨恶。

胡能改行，克复其爵。

献舞执楚，遇息礼薄。

穆侯虺齐，荡舟乖谗。

曹共轻晋，负羈先觉。

伯阳梦社，祚倾振铎。

## 陈杞世家之赞

036 陈杞世家

盛德之祀，必及百世。

舜、禹除烈，陈、杞是继。

妫满受封，东楼纂系。

阍路篡逆，夏姬淫嬖。

二国衰微，或兴或替。

前并後虏，皆亡楚惠。

句践勃兴，田和吞噬。

蝉联血食，岂其苗裔？

## 卫康叔世家之赞

037 卫康叔世家

司寇受封，梓材有作。

成锡厥器，夷加其爵。

暨武能脩，从文始约。

诗美归燕，传矜石碣。

皮冠射鸿，乘轩使穀。

宣纵淫嬖，衅生伋、朔。

蒯聩得罪，出公行恶。

卫祚日衰，失於君角。

## 宋微子世家之赞

038 宋微子世家

殷有三仁，微、箕纣亲。

一囚一去，不顾其身。

颂美有客，书称作宾。

卒传冢嗣，或叙彝伦。

微仲之後，世载忠勤。

穆亦能让，实为知人。

伤泓之役，有君无臣。

偃号"桀宋"，天之弃殷。

## 晋世家之赞

039 晋世家

天命叔虞，卒封於唐。

桐珪既削，河、汾是荒。

文侯虽嗣，曲沃日彊。

未知本末，祚倾桓庄。

献公昏惑，太子罹殃。

重耳致霸，朝周河阳。

灵既丧德，厉亦无防。

四卿侵侮，晋祚遽亡。

## 越王句践世家之赞

041 越王句践世家

越祖少康，至于允常。

其子始霸，与吴争疆。

携李之役，阖闾见伤。

会稽之耻，句践欲当。

种诱以利，蠡悉其良。

折节下士，致胆思尝。

卒复雠寇，遂殄大邦。

後不量力，灭於无疆。

## 郑世家之赞

042 郑世家

厉王之子，得封於郑。

代职司徒，緇衣在咏。

虢、郟献邑，祭祀专命。

庄既犯王，厉亦奔命。

居栢克入，梦兰毓庆。

伯服生囚，叔瞻尸聘。

釐、简之後，公室不竞。

负黍虽还，韩哀日盛。

## 魏世家之赞

044 魏世家

毕公之苗，因国为姓。

大名始赏，盈数自正。

胤裔繁昌，系载忠正。

杨干就戮，智氏奔命。

文始建侯，武实彊盛。

大梁东徙，长安北侦。

卯既无功，印亦外聘。

王假削弱，虜於秦政。

## 韩世家之赞

045 韩世家

韩氏之先，实宗周武。

事微国小，春秋无语。

後裔事晋，韩原是处。

赵孤克立，智伯可取。

既徙平阳，又侵负黍。

景赵俱侯，惠又僭主。

秦败脩鱼，魏会区鼠。

韩非虽使，不禁狼虎。

## 田敬仲完世家之赞

046 田敬仲完世家

田完避难，奔于大姜；始辞羁旅，终然凤皇。

物莫两盛，代五其昌。

二君比犯，三晋争强。

和始擅命，威遂称王。

祭急燕、赵，弟列康、庄。

秦假东帝，莒立法章。

王建失国，松柏苍苍。

## 陈涉世家之赞

048 陈涉世家

天下匈匈，海内乏主，**猗鹿**争捷，**瞻乌**爰处。

**陈胜**首事，厥号**张楚**。

鬼怪是凭，**鸿鹄**自许。

**葛婴**东下，**周文**西拒。

始亲**陈房**，又任**胡武**。

黥颍见**杀**，腹心不与。

**庄贾**何人，反噬**城父**！

## 外戚世家之赞

049 外戚世家

{礼贵夫妇，{易叙乾坤。

配阳成化，比月居尊。

河洲降淑，天曜垂轩。

德著任、姒，庆流娥、嫫。

逮我炎历，斯道克存。

吕权大宝，窈喜玄言。

自兹已降，立嬖以恩。

内无常主，後嗣不繁。

## 楚元王世家之赞

050 楚元王世家

汉封同姓，楚有令名。

既灭韩信，王於彭城。

穆生置醴，韦孟作程。

王戊弃德，与吴连兵。

太后命礼，为楚罪轻。

文襄继立，世挺才英。

如何赵遂，代殒厥声！兴亡之兆，所任宜明。

## 荆燕世家之赞

051 荆燕世家

刘贾初从，首定三秦。

既渡白马津，遂围寿春。

始迎黥布，绝间周殷。

赏功胙土，与楚为邻。

营陵始爵，勋由击陈豨。

田生游说，受赐千斤。

权激诸吕，事发荣身。

徙封传嗣，亡於郢人。

## 齐悼惠王世家之赞

052 齐悼惠王世家

汉矫秦制，树屏自疆。

表海大国，悉封齐王。

吕后肆怒，乃献城阳。

哀王嗣立，其力不量。

殊虚仕汉，功大策长。

东牟受赏，称乱贻殃。

胶东、济北，雄渠，辟光。

齐虽七国，忠孝者昌。

## 萧相国世家之赞

053 萧相国世家

萧何为吏，文而无害。

及佐兴王，举宗从沛。

关中既守，转输是赖。

汉军屡疲，秦兵必会。

约法可久，收图可大。

指兽发踪，其功实最。

政称画一，居乃非泰。

继绝宠勤，式旌砺带。

## 曹相国世家之赞

054 曹相国世家

曹参初起，为沛豪吏。

始从中涓，先围善置。

执珪执帛，攻城略地。

衍氏既诛，昆阳失位。

北禽夏说，东讨田溉。

剖符定封，功无与二。

市狱勿扰，清净不事。

尚主平阳，代享其利。

## 留侯世家之赞

055 留侯世家

留侯倜傥，志怀愤惋。

五代相韩，一朝归汉。

进履宜假，运筹神算。

横阳既立，申徒作扞。

灞上扶危，固陵静乱。

人称三杰，辩推八难。

赤松原游，白驹难绊。

嗟彼雄略，曾非魁岸。

## 陈丞相世家之赞

056 陈丞相世家

曲逆穷巷，门多长者。

宰肉先均，佐丧後罢。

魏楚更用，腹心难假。

弃印封金，刺船露裸。

间行归汉，委质麾下。

荜阳计全，平城围解。

推陵让勃，哀多益寡。

应变合权，克定宗社。

## 绛侯周勃世家之赞

057 绛侯周勃世家

绛侯佐汉，质厚敦笃。

始击殪东，亦围尸北。

所攻必取，所讨咸克。

陈豨伏诛，臧荼破国。

事居送往，推功伏德。

列侯还第，太尉下狱。

继相条侯，绍封平曲。

惜哉贤将，父子代辱！

## 五宗世家之赞

059 五宗世家

景十三子，五宗亲睦。

栗姬既废，临江折轴。

闲于早薨，河间儒服。

馀好宫苑，端事驰逐。

江都有才，中山禔福。

长沙地小，胶东造镞。

仁贤者代，淳乱者族。

兒姁四王，分封为六。

## 三王世家之赞

060 三王世家

三王封系，旧史烂然。

褚氏後补，册书存焉。

去病建议，青翟上言。

天子冲挹，志在急贤。

太常具礼，请立齐燕，闾国负海，旦社惟玄。

宵人不迓，鞶粥远边。

明哉监戒，式防厥愆。

## 管晏列传之赞

062 管晏列传

夷吾成霸，平仲称贤。

粟乃实廩，豆不掩肩。

转祸为福，危言获全。

孔赖左衽，史忻执鞭。

成礼而去，人望存焉。

## 老子韩非列传之赞

063 老子韩非列传

伯阳立教，清静无为。

道尊东鲁，迹窜西垂。

庄蒙栩栩，申害卑卑。

刑名有术，说难极知。

悲彼周防，终亡李斯。

## 司马穰苴列传之赞

064 司马穰苴列传

燕侵河上，齐师败绩。

嬰荐穰苴，武能威敌。

斩贾以徇，三军惊惕。

我卒既彊，彼寇退壁。

法行司马，实赖宗戚。

## 孙子吴起列传之赞

065 孙子吴起列传

孙子兵法，一十三篇。

美人既斩，良将得焉。

其孙臆脚，筹策庞涓。

吴起相魏，西河称贤；惨礲事楚，死後留权。

## 伍子胥列传之赞

066 伍子胥列传

谗人罔极，交乱四国。

嗟彼伍氏，被兹凶慝！员独忍诟，志复冤毒。

霸吴起师，伐楚逐北。

鞭尸雪耻，抉眼弃德。

## 仲尼弟子列传之赞

067 仲尼弟子列传

教兴阙里，道在聊乡。

异能就列，秀士升堂。

依仁游艺，合志同方。

将师宫尹，俎豆琳琅。

惜哉不霸，空臣素王！

## 商君列传之赞

068 商君列传

卫鞅入秦，景监是因。

王道不用，霸术见亲。

政必改革，礼岂因循。

既欺魏将，亦怨秦人。

如何作法，逆旅不宾！

## 苏秦列传之赞

069 苏秦列传

季子周人，师事鬼谷。

揣摩既就，阴符伏读。

合从离衡，佩印者六。

天王除道，家人扶服。

贤哉代、厉，继荣党族。

## 张仪列传之赞

070 张仪列传

仪未遭时，频被困辱。

及相秦惠，先韩後蜀。

连衡齐魏，倾危诳惑。

陈轸挟权，犀首骋欲。

如何三晋，继有斯德。

## 樗里子甘茂列传之赞

071 樗里子甘茂列传

严君名疾，厥号"智囊"。

既亲且重，称兵外攘。

甘茂并相，初佐魏章。

始推向寿，乃攻宜阳。

甘罗妙岁，卒起张唐。

## 穰侯列传之赞

072 穰侯列传

穰侯智识，应变无方。

内倚太后，外辅昭王。

四登相位，再列封疆。

摧齐挠楚，破魏围梁。

一夫开说，忧愤而亡。

## 白起王翦列传之赞

073 白起王翦列传

白起、王翦，俱善用兵。

递为秦将，拔齐破荆。

赵任马服，长平遂阬。

楚陷李信，灞上卒行。

贲、离继出，三代无名。

## 孟尝君列传之赞

075 孟尝君列传

靖郭之子，威王之孙。

既彊其国，实高其门。

好客喜士，见重平原。

鸡鸣狗盗，魏子、冯暖。

如何承睫，薛县徒存！

## 平原君虞卿列传之赞

076 平原君虞卿列传

翩翩公子，天下奇器。

笑姬从戮，义士增气。

兵解李同，盟定毛遂。

虞卿蹶躄，受赏料事。

及困魏齐，著书见意。

## 魏公子列传之赞

077 魏公子列传

信陵下士，邻国相倾。

以公子故，不敢加兵。

颇知硃亥，尽礼侯嬴。

遂卻晋鄙，终辞赵城。

毛、薛见重，万古希声。

## 春申君列传之赞

078 春申君列传

黄歇辩智，权略秦、楚。

太子获归，身作宰辅。

珠炫赵客，邑开吴土。

烈王寡胤，李园献女。

无妄成灾，硃英徒语。

## 范雎蔡泽列传之赞

079 范雎蔡泽列传

应侯始困，诤载而西，说行计立，贵平宠稽。

倚秦市赵，卒报魏齐。

纲成辩智，范雎招携。

势利倾夺，一言成蹊。

## 乐毅列传之赞

080 乐毅列传

昌国忠说，人臣所无。

连兵五国，济西为墟。

燕王受间，空闻报书。

义士慷慨，明君轼间。

间、乘继将，芳规不渝。

## 廉颇蔺相如列传之赞

081 廉颇蔺相如列传

清相凛凛，壮气熊熊。

各竭诚义，递为雌雄。

和璧聘返，渑池好通。

负荆知惧，屈节推工。

安边定策，廉颇、李牧之功。

## 田单列传之赞

082 田单列传

军法以正，实尚奇兵。

断轴自免，反间先行。

群鸟或众，五牛扬旌。

卒破骑劫，皆复齐城。

襄王嗣位，乃封安平。

## 鲁仲连邹阳列传之赞

083 鲁仲连邹阳列传

鲁连达士，高才远致。

释难解纷，辞禄肆志。

齐将挫辩，燕军沮气。

邹子遇讒，见诋狱吏。

慷慨献说，时王所器。

## 张耳陈馀列传之赞

089 张耳陈馀列传

张耳、陈馀，天下豪俊。忘年羁旅，刎颈相信。耳围钜鹿，馀兵不进。张既望深，陈乃去印。势利倾夺，隙未成衅。

## 魏豹彭越列传之赞

090 魏豹彭越列传

魏咎兄弟，因时而王。豹後属楚，其国遂亡。仲起昌邑，归汉外黄。往来声援，再续军粮。徵兵不往，蒗醢何伤。

## 黥布列传之赞

091 黥布列传

九江初筮，当刑而王。既免徒中，聚盗江上。再雄楚卒，频破秦将。病为羽疑，归受汉杖。贲赫见毁，卒致无妄。

## 韩信卢绾列传之赞

093 韩信卢绾列传

韩襄遗孽，始从汉中。剖符南面，徙邑北通。黥当归国，龙雒有功。卢绾亲爱，群臣莫同。旧燕是王，东胡计穷。

## 田儋列传之赞

094 田儋列传

秦项之际，天下交兵。六国树党，自置豪英。田儋  
殒寇，立市相荣。楚封王假，齐破酈生。兄弟更王，海岛传  
声。

## 樊酈滕灌列传之赞

095 樊酈滕灌列传

圣贤影响，云蒸龙变。屠狗贩缯，攻城野战。扶义  
西上，受封南面。酈况卖交，舞阳内援。滕灌更王，奕叶繁  
衍。

## 张丞相列传之赞

096 张丞相列传

张苍主计，天下作程。

孙臣始绌，秦历尚行。

御史亚相，相国阿衡。

申屠面折，周子廷争。

其他妮々，无所发明。

## 酈生陆贾列传之赞

097 酈生陆贾列传

广野大度，始冠侧注。

踵门长揖，深器重遇。

说齐历下，趣鼎何惧。

陆贾使越，尉佗慑怖，相说国安，书成主悟。

## 傅靳蒯成列传之赞

098 傅靳蒯成列传

阳陵、信武，结发从汉。

动叶人谋，功实天赞。

定齐破项，我军常冠，蒯成委质，夷险不乱。

主上称忠，人臣鸽腕。

## 刘敬叔孙通列传之赞

099 刘敬叔孙通列传

厦藉众幹，裘非一狐。

委辂献说，酌蕝陈书。

皇帝始贵，车驾西都。

既安太子，又和匈奴。

奉春、稷嗣，其功可图。

## 季布栾布列传之赞

100 季布栾布列传

季布、季心，有声梁、楚。

百金然诺，十万致距。

出守河东，股肱是与。

栾布哭越，犯禁见虏。

赴鼎非冤，诚知所处。

## 袁盎晁错列传之赞

101 袁盎晁错列传

袁丝公直，亦多附会。

揽辔见重，卻席翳赖。

朝错建策，屡陈利害。

尊主卑臣，家危国泰。

悲彼二子，名立身败！

## 匈奴列传之赞

110 匈奴列传

獫狁、薰粥，居于北边。

既称夏裔，式憬周篇。

颇随畜牧，屡扰尘烟。

爰自冒顿，尤聚控弦。

虽空帑藏，未尽中权。

## 司马相如列传之赞

117 司马相如列传

相如纵诞，窃贗卓氏。

其学无方，其才足倚。

子虚过吒，上林非侈。

四马还邛，百金献伎。

惜哉封禪，遗文卓尔。

## 儒林列传之赞

121 儒林列传

孔氏之衰，经书绪乱。

言诸六学，始自炎汉。

著令立官，四方鸽腕。

曲台坏壁，书礼之冠。

传易言诗，云蒸雾散。

兴化致理，鸿猷克赞。

## 诗歌（11篇）

史记中收录的诗歌作品

## 秦始皇本纪诗

006 秦始皇本纪

皇帝临位，作制明法，臣下脩饬。

二十有六年，初并天下，罔不宾服。

亲巡远方黎民，登兹泰山，周览东极。

从臣思迹，本原事业，祇诵功德。

治道运行，诸产得宜，皆有法式。

大义休明，垂于後世，顺承勿革。

皇帝躬圣，既平天下，不懈於治。

夙兴夜寐，建设长利，专隆教诲。

训经宣达，远近毕理，咸承圣志。

贵贱分明，男女礼顺，慎遵职事。

昭隔内外，靡不清净，施于後嗣。

化及无穷，遵奉遗诏，永承重戒。

## 秦始皇本纪诗

006 秦始皇本纪

维二十八年，皇帝作始。

端平法度，万物之纪。

以明人事，合同父子。

圣智仁义，显白道理。

东抚东土，以省卒士。

事已大毕，乃临于海。

皇帝之功，劝劳本事。

上农除末，黔首是富。

普天之下，转心揖志。

器械一量，同书文字。

日月所照，舟舆所载。

皆终其命，莫不得意。

应时动事，是维皇帝。

匡飭异俗，陵水经地。

忧恤黔首，朝夕不懈。

除疑定法，咸知所辟。

方伯分职，诸治经易。

举措必当，莫不如画。

皇帝之明，临察四方。

尊卑贵贱，不逾次行。

奸邪不容，皆务贞良。

细大尽力，莫敢怠荒。

远迩辟隐，专务肃庄。

端直敦忠，事业有常。

皇帝之德，存定四极。

诛乱除害，兴利致福。

节事以时，诸产繁殖。

黔首安宁，不用兵革。

六亲相保，终无寇贼。

驩欣奉教，尽知法式。

六合之内，皇帝之土。

西涉流沙，南尽北户。

东有东海，北过大夏。

人迹所至，无不臣者。

功盖五帝，泽及牛马。

莫不受德，各安其宇。

## 秦始皇本纪诗

006 秦始皇本纪

维二十九年，时在中春，阳和方起。

皇帝东游，巡登之罘，临照于海。

从臣嘉观，原念休烈，追诵本始。

大圣作治，建定法度，显著纲纪。

外教诸侯，光施文惠，明以义理。

六国回辟，贪戾无厌，虐杀不已。

皇帝哀众，遂发讨师，奋扬武德。

义诛信行，威燁旁达，莫不宾服。

烹灭彊暴，振救黔首，周定四极。

普施明法，经纬天下，永为仪则。

大矣哉！宇县之中，承顺圣意。

群臣诵功，请刻于石，表垂于常式。

## 秦始皇本纪诗

006 秦始皇本纪

维二十九年，皇帝春游，览省远方。

逮于海隅，遂登之罟，昭临朝阳。

观望广丽，从臣咸念，原道至明。

圣法初兴，清理疆内，外诛暴彊。

武威旁暢，振动四极，禽灭六王。

阡并天下，畱害绝息，永偃戎兵。

皇帝明德，经理宇内，视听不怠。

作立大义，昭设备器，咸有章旗。

职臣遵分，各知所行，事无嫌疑。

黔首改化，远迩同度，临古绝尤。

常职既定，後嗣循业，长承圣治。

群臣嘉德，祇诵圣烈，请刻之罟。

## 秦始皇本纪诗

006 秦始皇本纪

遂兴师旅，诛戮无道，为逆灭息。

武殄暴逆，文复无罪，庶心咸服。

惠论功劳，赏及牛马，恩肥土域。

皇帝奋威，德并诸侯，初一泰平。

堕坏城郭，决通川防，夷去险阻。

地势既定，黎庶无繇，天下咸抚。

男乐其畴，女修其业，事各有序。

惠被诸产，久并来田，莫不安所。

群臣诵烈，请刻此石，垂著仪矩。

## 秦始皇本纪诗

006 秦始皇本纪

皇帝休烈，平一宇内，德惠脩长。

三十有七年，亲巡天下，周览远方。

遂登会稽，宣省习俗，黔首斋庄。

群臣诵功，本原事迹，追首高明。

秦圣临国，始定刑名，显陈旧章。

初平法式，审别职任，以立恆常。

六王专倍，贪戾沈猛，率众自彊。

暴虐恣行，负力而骄，数动甲兵。

阴通间使，以事合从，行为辟方。

内饰诈谋，外来侵边，遂起祸殃。

义威诛之，殄熄暴悖，乱贼灭亡。

圣德广密，六合之中，被泽无疆。

皇帝并宇，兼听万事，远近毕清。

运理群物，考验事实，各载其名。

贵贱并通，善否陈前，靡有隐情。

饰省宣义，有子而嫁，倍死不贞。

防隔内外，禁止淫泆，男女絜诚。

夫为寄猥，杀之无罪，男秉义程。

妻为逃嫁，子不得母，咸化廉清。

大治濯俗，天下承风，蒙被休经。

皆遵度轨，和安敦勉，莫不顺令。

黔首脩絜，人乐同则，嘉保太平。

後敬奉法，常治无极，舆舟不倾。

从臣诵烈，请刻此石，光垂休铭。

## 项羽本纪诗

007 项羽本纪

"力拔山兮气盖世，时不利兮骓不逝。骓不逝兮可奈何，虞兮虞兮奈若何！"

## 高祖本纪诗

008 高祖本纪

"大风起兮云飞扬，威加海内兮归故乡，安得猛士兮守四方！"

## 吕太后本纪诗

009 吕太后本纪

"诸吕用事兮刘氏危，迫胁王侯兮疆授我妃。我妃既妒兮诬我以恶，谗女乱国兮上曾不寤。我无忠臣兮何故弃国？自决中野兮苍天举直！于嗟不可悔兮宁蚤自财。为王而饿死兮谁者怜之！吕氏绝理兮托天报仇。"

## 乐书诗

024 乐书

"太一贡兮天马下，霏赤汗兮沫流赭。骋容与兮跼万里，今安匹兮龙为友。"

## 乐书诗

024 乐书

"天马来兮从西极，经万里兮归有德。承灵威兮降外国，涉流沙兮四夷服。"

## 赋（5篇）

史记中收录的赋体文学作品

## 屈原贾生列传赋

084 屈原贾生列传

乃作怀沙之赋。其辞曰：

陶陶孟夏兮，草木莽莽。伤怀永哀兮，汨徂南土。眇兮窈窕，孔静幽墨。冤结纆轸兮，离愍之长鞠；抚情效志兮，俯拙以自抑。

刑方以为圜兮，常度未替；易初本由兮，君子所鄙。章画职墨兮，前度未改；内直质重兮，大人所盛。巧匠不斫兮，孰察其揆正？玄文幽处兮，矇谓之不章；离娄微睇兮，瞽以为无明。变白而为黑兮，倒上以为下。凤皇在笱兮，鸡雉翔舞。同糅玉石兮，一而相量。夫党人之鄙妒兮，羌不知吾所臧。任重载盛兮，陷滞而不济；怀瑾握瑜兮，穷不得余所示。邑犬群吠兮，吠所怪也；诽骏疑桀兮，固庸态也。文质疏内兮，众不知吾之异采；材朴委积兮，莫知余之所有。重仁袭义兮，谨厚以为丰；重华不可悟兮，孰知余之从容！古固有不并兮，岂知其故也？汤禹久远兮，邈不可慕也。惩违改忿兮，抑心而自彊；离潜而不迁兮，原志之有象。进路北次兮，日昧昧其将暮；含忧虞哀兮，限之以大故。

乱曰：浩浩沅、湘兮，分流汨兮。脩路幽拂兮，道远忽兮。曾唼恆悲兮，永叹慨兮。世既莫吾知兮，人心不可谓兮。怀情抱质兮，独无匹兮。伯乐既歿兮，驥将焉程兮？人生稟命兮，各有所错兮。定心广志，余何畏惧兮？曾伤爰哀，永叹喟兮。世溷不吾知，心不可谓兮。知死不可让兮，原勿爱兮。明以告君子兮，吾将以为类兮。

## 屈原贾生列传赋

084 屈原贾生列传

贾生既辞往行，闻长沙卑湿，自以寿不得长，又以谪去，意不自得。及渡湘水，为赋以吊屈原。其辞曰：

共承嘉惠兮，俟罪长沙。侧闻屈原兮，自沈汨罗。造讬湘流兮，敬吊先生。遭世罔极兮，乃陨厥身。呜呼哀哉，逢时不祥！鸾凤伏窜兮，鸱枭翱翔。闾茸尊显兮，谗谀得志；贤圣逆曳兮，方正倒植。世谓伯夷贪兮，谓盗跖廉；莫邪为顿兮，铅刀为铍。于嗟嚶兮，生之无故！斡弃周鼎兮宝康瓠，腾驾罢牛兮骖蹇驴，骥垂两耳兮服盐车。章甫荐屨兮，渐不可久；嗟苦先生兮，独离此咎！

讯曰：已矣，国其莫我知，独堙郁兮其谁语？凤飘飘其高遯兮，夫固自缩而远去。袭九渊之神龙兮，沕深潜以自珍。弥融爚以隐处兮，夫岂从螻与蛭螾？所贵圣人之神德兮，远浊世而自藏。使骐驎可得系羈兮，岂云异夫犬羊！般纷纷其离此尤兮，亦夫子之辜也！瞻九州而相君兮，何必怀此都也？凤皇翔于千仞之上兮，览德军而下之；见细德之险兮，摇增翮逝而去之。彼寻常之汙渎兮，岂能容吞舟之鱼！横江湖之鱣鯨兮，固将制於蚁蝼。

## 屈原贾生列传赋

084 屈原贾生列传

贾生为长沙王太傅三年，有鵩飞入贾生舍，止于坐隅。楚人命鵩曰“服”。贾生既以谪居长沙，长沙卑湿，自以为寿不得长，伤悼之，乃为赋以自广。其辞曰：

单阏之岁兮，四月孟夏，庚子日施兮，服集予舍，止于坐隅，貌甚间暇。异物来集兮，私怪其故，发书占之兮，筮言其度。曰“野鸟入处兮，主人将去”。请问于服兮：“予去何之？吉乎告我，凶言其菑。淹数之度兮，语予其期。”服乃叹息，举首奋翼，口不能言，请对以意。

万物变化兮，固无休息。斡流而迁兮，或推而还。形气转续兮，变化而嬗。沕穆无穷兮，胡可胜言！祸兮福所倚，福兮祸所伏；忧喜聚门兮，吉凶同域。彼吴疆大兮，夫差以败；越栖会稽兮，句践霸世。李斯游遂成兮，卒被五刑；傅说胥靡兮，乃相武丁。夫祸之与福兮，何异纠缠。命不可说兮，孰知其极？水激则旱兮，矢激则远。万物回薄兮，振荡相转。云蒸雨降兮，错缪相纷。大专槃物兮，块轧无垠。天不可与虑兮，道不可与谋。迟数有命兮，恶识其时？

且夫天地为炉兮，造化为工；阴阳为炭兮，万物为铜。合散消息兮，安有常则；千变万化兮，未始有极。忽然为人兮，何足控抟；化为异物兮，又何足患！小知自私兮，贱彼贵我；通人大观兮，物无不可。贪夫徇财兮，烈士徇名；夸者死权兮，品庶冯生。述迫之徒兮，或趋西东；大人不曲兮，亿变齐同。拘士系俗兮，羸如囚拘；至人遗物兮，独与道俱。众人或或兮，好恶积意；真人淡漠兮，独与道息。释知遗形兮，超

然自丧；寥廓忽荒兮，与道翱翔。乘流则逝兮，得坻则止；纵躯委命兮，不私与己。其生若浮兮，其死若休；澹乎若深渊之静，汜乎若不系之舟。不以生故自宝兮，养空而浮；德人无累兮，知命不忧。细故莽兮，何足以疑！

## 司马相如列传赋

117 司马相如列传

居久之，蜀人杨得意为狗监，侍上。上读子虚赋而善之，曰："朕独不得与此人同时哉！"得意曰："臣邑人司马相如自言为此赋。"上惊，乃召问相如。相如曰："有是。然此乃诸侯之事，未足观也。请为天子游猎赋，赋成奏之。"上许，令尚书给笔札。相如以"子虚"，虚言也，为楚称；"乌有先生"者，乌有此事也，为齐难；"无是公"者，无是人也，明天子之义。故空藉此三人为辞，以推天子诸侯之苑囿。其卒章归之於节俭，因以风谏。奏之天子，天子大说。其辞曰：

楚使子虚使於齐，齐王悉发境内之士，备车骑之众，与使者出田。田罢，子虚过詔乌有先生，而无是公在焉。坐定，乌有先生问曰："今日田乐乎？"子虚曰："乐。" "获多乎？"曰："少。" "然则何乐？"曰："仆乐齐王之欲夸仆以车骑之众，而仆对以云楚之事也。"曰："可得闻乎？"

子虚曰："可。王驾车千乘，选徒万骑，田於海滨。列卒满泽，罟网弥山，揜兔旃鹿，射麋脚麟。鸯於盐浦，割鲜染轮。射中获多，矜而自功。顾谓仆曰：'楚亦有平原广泽游猎之地饶乐若此者乎？楚王之猎何与寡人？'

仆下车对曰：'臣，楚国之鄙人也，幸得宿卫十有馀年，时从出游，游於後园，览於有无，然犹未能遍睹也，又恶足以言其外泽者乎！'

齐王曰：'虽然，略以子之所闻见而言之。'

"仆对曰：'唯唯。臣闻楚有七泽，尝见其一，未睹其馀也。臣之所见，盖特其小小者耳，名曰云梦。云梦者，方九百里，其中有山焉。其山则盘纡峩郁，隆崇嶺峩；岑岩参差，日月蔽亏；交错纠纷，上干青云；罢池陂纒，下属江河。其土则丹青赭垩，雌黄白附，锡碧金银，众色炫燿，照烂龙鳞。其石则赤玉玫瑰，琳琅璵璠，璚玖玄厉，菡石武夫。其东则有蕙圃衡兰，芷若射干，穹穷昌蒲，江离麋芜，诸蔗獐且。其南则有平原广泽，登降纒靡，案衍坛曼，缘以大江，限以巫山。其高燥则生葳蕤苞荔，薛莎青蘋。其卑湿则生藏蓂蒹葭，东蒿雕胡，莲藕菰芦，菴{𦉳}间轩芋，物居之，不可胜图。其西则有涌泉清池，激水推移；外发芙蓉菱华，内隐钜石白沙。其中则有神龟蛟鼉，玳瑁鳖鼈。其北则有阴林巨树，榭棗豫章，桂椒木兰，离硃杨，楂榭枣栗，橘柚芬芳。其上则有赤猿蠪蛭，鸕雏孔鸾，腾远射干。其下则有白虎玄豹，螭蜒獬豸，兕象野犀，穷奇罔玃。

"於是乃使专诸之伦，手格此兽。楚王乃驾驯驳之驷，乘雕玉之舆，靡鱼须之桡旃，曳明月之珠旗，建王将之雄戟，左乌嗥之雕弓，右夏服之劲箭；阳子骖乘，纒阿为御；案节未舒，即陵狡兽，犇邛邛，犇距虚，犇野马而湜騊駼，乘遗风而射游骐；儵眡凄冽，雷动燁至，星流霆击，弓不虚发，中必决眦，洞胸达腋，绝乎心系，获若雨兽，揜草蔽地。於是楚王乃弭节裴回，翱翔容与，览乎阴林，观壮士之暴怒，与猛兽之恐惧，徼受诘，殫睹物之变态。

"於是郑女曼姬，被阿锡，揄纒縞，囊纒罗，垂雾縠；褰积褰约，纒徐委曲，郁桡谿谷；粉粉袿袿，扬袿恤削，蜚纒垂髻；扶与猗靡，吸呷萃蔡，下摩兰蕙，上拂羽盖，错翡翠之威蕤，缪绕玉绥；缥乎忽忽，若神仙之仿佛。

"於是乃相与獠於薰圃，嬖珊勃窾上金隄，掄翡翠，射鷓鴣，微矰出，纤缴施，弋白鹄，连驾鵞，双鸧下，玄鹤加。怠而後发，游於清池；浮文鹞，扬桂柂，张翠帷，建羽盖，罔玳瑁，钓紫贝；攄金鼓，吹鸣籥，榜人歌，声流喝，水蟲骇，波鸿沸，涌泉起，奔扬会，礪石相击，硠硠潏潏，若雷霆之声，闻乎数百里之外。

"将息獠者，击灵鼓，起烽燧，车案行，骑就队，纒乎淫淫，班乎裔裔。於是楚王乃登阳云之台，泊乎无为，澹乎自持，勺药之和具而後御之。不若大王终日驰骋而不下舆，脔割轮淬，自以为娱。臣窃观之，齐殆不如。"

於是王默然无以应仆也。"

乌有先生曰："是何言之过也！足下不远千里，来况齐国，王悉发境内之士，而备车骑之众，以出田，乃欲戮力致获，以娱左右也，何名为夸哉！问楚地之有无者，原闻大国之风烈，先生之馀论也。今足下不称楚王之德厚，而盛推云梦以为高，奢言淫乐而显侈靡，窃为足下不取也。必若所言，固非楚国之美也。有而言之，是章君之恶；无而言之，是害足下之信。章君之恶而伤私义，二者无一可，而先生行之，必且轻於齐而累於楚矣。且齐东踰巨海，南有琅邪，观乎成山，射乎之罘，浮勃澹，游孟诸，邪与肃慎为邻，右以汤谷为界，秋田乎青丘，傍徨乎海外，吞若云梦者八九，其於胸中曾不蒂芥。若乃俶傥瑰伟，异方殊类，珍怪鸟兽，万端鳞萃，充仞其中者，不可胜记，禹不能名，契不能计。然在诸侯之位，不敢言游戏之乐，苑囿之大；先生又见客，是以王辞而不复，何为无用应哉！"

## 司马相如列传赋

117 司马相如列传

相如拜为孝文园令。天子既美子虚之事，相如见上好仙道，因曰："上林之事未足美也，尚有靡者。臣尝为大人赋，未就，请具而奏之。"相如以为列仙之传居山泽间，形容甚癯，此非帝王之仙意也，乃遂就大人赋。其辞曰：

世有大人兮，在于中州。宅弥万里兮，曾不足以少留。悲世俗之迫隘兮，揭轻举而远游。垂绛幡之素蜺兮，载云气而上浮。建格泽之长竿兮，总光耀之采旄。垂旬始以为惨兮，捭彗星而为髯。掉指桥以偃蹇兮，又旖旎以招摇。览欂枪以为旌兮，靡屈虹而为绸。红杏渺以眩溷兮，焱风涌而云浮。驾应龙象舆之螭略透雨兮，骖赤螭青虬之鞬螺蜿蜓。低印夭蟮据以骄骛兮，诘折隆穷蠖以连卷沛艾赳螭仡以佻儼兮，放散畔岸骧以孱颜。踉蹌輶辖容以委丽兮，绸缪偃蹇怵鞞以梁倚。纠蓼叫募蹋以艘路兮，蔑蒙踊跃腾而狂趋。莅飒卉翕燖至电过兮，焕然雾除，霍然云消。

邪绝少阳而登太阴兮，与真人乎相求。互折窈窕以右转兮，横厉飞泉以正东。悉徵灵圉而选之兮，部乘众神於瑶光。使五帝先导兮，反太一而从陵阳。左玄冥而右含雷兮，前陆离而後灑滂。厮征伯侨而役羨门兮，属岐伯使尚方。祝融惊而蹕御兮，清雰气而後行。屯余车其万乘兮，綵云盖而树华旗。使句芒其将行兮，吾欲往乎南嬉。

历唐尧於崇山兮，过虞舜於九疑。纷湛湛其差错兮，杂遝胶葛以方驰。骚扰冲苾其相纷挐兮，滂溥泱轧洒以林离。钻罗列聚丛以茏茸兮，衍曼

流烂坛以陆离。径入雷室之砰磷郁律兮，洞出鬼谷之嘏聱嵬𨔵。遍览八纒而观四荒兮，揭渡九江而越五河。经营炎火而浮弱水兮，杭绝浮渚而涉流沙。奄息总极汜滥水嬉兮，使灵媧鼓瑟而舞冯夷。时若々将混浊兮，召屏翳诛风伯而刑雨师。西望昆仑之轧沕沕忽兮，直径驰乎三危。排阊阖而入帝宫兮，载玉女而与之归。舒阊风而摇集兮，亢乌腾而一止。低回阴山翔以纒曲兮，吾乃今目睹西王母鰼然白首。载胜而穴处兮，亦幸有三足乌为之使。必长生若此而不死兮，虽济万世不足以喜。

回车謁来兮，绝道不周，会食幽都。呼吸沆瀣餐朝霞，嚙咀芝英兮叽琼华。媿侵淖而高纵兮，纷鸿涌而上厉。贯列缺之倒影兮，涉丰隆之滂沛。驰游道而脩降兮，骛遗雾而远逝。迫区中之隘狭兮，舒节出乎北垠。遗屯骑於玄阙兮，轶先驱於寒门。下峥嵘而无地兮，上寥廓而无天。视眩眠而无见兮，听惝恍而无闻。乘虚无而上假兮，超无友而独存。

相如既奏大人之颂，天子大说，飘飘有凌云之气，似游天地之间意。

史记知识库 | 韵文专项索引

数据提取自《史记》标注版本